

Ես ետ նայեցի, փոքրիկ հովիւների մէջ արդէն սկստել էր կռիւը խաչերի բաժանման մասին:

Ինչ մեծ զանազանութիւն այդ փոքրիկ հովիւների եւ այն փոքրիկ հովիւների մէջ, որ քարկոծում էին սուրբ գրքերի տարածողին: Դրանք խաչեր բաժանողի աջն էին համբուրում, իսկ նրանք սուրբ գրքեր բաժանողի վրայ քար էին ձգում:

Կրօնաւորը դարձեալ սկսեց Ասլանի հետ ֆրանսերէն խօսել: Երբ նրանք փոքր-ինչ հեռացան, ես հարցրի կրօնաւորի ծառայից:

— Ո՞վ է այդ մարդը:

— Մեր «գերապայծառն» է, — պատասխանեց նա մի առանձին հպարտութեամբ:

Ես իսկոյն հասկացայ, որ այդ կողմերում նոր յայտնաւոր եղիտ կրօնաւորներից մէկը պետք է լինի, որոնց մասին շատ բանգր էի լսել: Բայց ինչո՞ւ պարծենկոտ ծառան իր տիրոջը «գերապայծառ» տիտղոսը տոեց, որը հակաթուրքները տալիս են իրանց եպիսկոպոսին միայն:

— Իսկ դու հա՞յ ես, — հարցրի նրանից:

— Աստուած մի արասցէ, — պատասխանեց նա երեսը խաչակնքելով, — ես «փռանգէ եմ»:

— Փռանգի լեզուն իմանո՞ւմ ես:

— Փռանգը ո՞րն է, լեզուն ո՞րն է, — կոպիտ կերպով հարցրեց նա. — ես փռանգի հաւատիցն եմ:

Նա չգիտեր, որ փռանգները (ֆրանսիացիք) առանձին ազգ են, առանձին լեզու ունեն, կամ կարծում էր, որ փռանգը կրօնի անուն է: Արփիարը տհաճութեամբ լսում էր մեր խօսակցութիւնը:

— Որտեղացի՞ ես:

— Այն գիւղից, որ հիմա դուրս եկանք: — Նա ցոյց տոեց «կարճագատների» գիւղը, որի մասին այնքան համակրութեամբ էր խօսում «գերապայծառը»:

— Զո հայրն ու մայրը նոյնպէս փռանգներ՞ էին:

— Ոչ, նրանք «հերձոածողներ» էին:

— Հայեր չէի՞ն:

Նա վրդովոեցաւ: